

植物名實圖考

二十三

植物名實圖考卷之二十一

固始吳其濬著

蒙自陸應穀校刊

蔓草

奶樹

尋骨風

鐵掃帚

倒掛藤

大順筋藤

土青木香

內風藤

涼帽纓

白龍鬚

無名一種

刺犁頭

透骨消

酸藤

野苦瓜

野西瓜

鮎魚鬚

鱧魚鬚

金線吊烏龜

金蓮花

小金瓜

馬蹄草

瓜耳草

碧綠藤

金雞腿

血藤

黃鱧藤

白馬骨

錦雞兒

白心皮

無名一種

候風藤

白花藤

洋條藤

拉拉藤

月季

玫瑰

酴醾

佛見笑

黃酴醾

縑絲花

十姊妹

木香

轉子蓮




奶樹

奶樹產南安蔓生四葉攢聚莖端緣苞開紫筍子花如牽牛而短瓣苞下復有青蒂秋結實有子蔓中白汁極濃氣臭根黃白色橫紋如上黨人穫肥圓有瘰癧大如拳廣信土呼山海螺象其根形又名乳夫人氣味甘熱土人採根發乳汁湖南衡山亦有之極易繁衍俚醫呼爲牛附子能壯陽道 按南越筆記有乳藤如懸鉤倒掛葉尖而長斷之有白汁如乳婦人產後以藤搗汁和米作粥食之乳湮自通皆此類也



土青木香

土青木香長沙山坡間有之蔓生細莖葉實皆與馬兜鈴同根黃瘦亦有香氣俚醫以清火毒通滯氣唯開花作簞子形本小末大彎如牛角尖梢上翹紫黑頗濃中露黃蕊與馬兜鈴開花如枸杞者迥別



尋骨風

三

蔓草卷之三十一



尋骨風

尋骨風湖南岳州有之蔓生葉如蘿藦柔厚多毛面綠背白秋
結實六棱似使君子色青黑子如豆





內風藤

內風藤生湖南山坡橫根引蔓俱赭色葉如柳葉有光而韞以
沿內風故名



鐵掃帚

鐵掃帚產建昌山中蔓生綠莖柔細糾結葉長幾寸後圓有缺
末尖相距稀闊細根硬鬚赭色稠密俚醫以爲行血通骨節之
藥用根煎酒服





涼帽纓

涼帽纓生南安細莖蔓生葉大如大指圓長有尖淡赭根蓬鬆如纓故名俚醫以治喉痛消腫毒氣味平溫

喉痛一作喉病

